

তীর্থ

হেলাল হাফিজ

কেন নাড়া দিলে ?
নাড়ালেই নড়ে না অনেক কিছু
তবু কেন এমন নাড়ালে ?
পৃথিবীর তিন ভাগ সমান দু'চোখ যার
তাকে কেন একমাস শ্রাবণ দেখালে !

কেন ওভাবে নাড়ালে ?
যেটুকু নাড়ালে নড়ে না তুমুলভাবে ভেতরে বাহিরে
কেন তাকে সেটুকু নাড়ালে ?

ভয় দেখালেই ভয় পায় না অনেকে,
তবু তাকে সে ভয় দেখালে ?
যে মানুষ জীবনের সব ক'টি শোক-দ্বীপে গেছে,
সব কিছু হারিয়েই সে মানুষ
হারাবার ভয় হারিয়েছে,
তার পর তীর্থ হয়েছে ।